

Յ Ա Ի Ե Լ Ո Ւ Ա Մ

Քանի մը բառեր պիտի լրացնեն հոս մեր յիշատակած կահուց ցուցակը, եւ են հետեւեալները:

Քանդակ: Շտեմարանի անօթներէն էր, ծագած պրս. քէկտոքէն, որ կը մեկնուի կարասի նման մեծ աման՝ արմտեաց պահարան (Գ. Դպ.): Եւ արդարեւ հայ կոչումն ալ նոյն պաշտօնն ունէր՝ ըստ Խոբենացոյն, թէ ի Բիւթանիա սպիտակ հող մանրելով՝ կը ցանեն « ի քանդակս ի վերայ ցորենոյ », որպէս զի ճճի չուտէ (600):

Խառնակ: Եսայեայ վկայութեան մէջ՝ թէ « Եղիցի անդ սափոր մի » (Ե, 10), Ոսկերերանի թարգմանիչը կ'ըսէ՝ « խառնակ մի » (Ոսկ. Ես. 52): Բնագիրն է երկու տեղոյն՝ մէջ ալ *κεράμιον*, որ է ըստ տառին կառեղեկ. եւ « խառնակն » եթէ յատուկ անօթ մը չէ, գուցէ կարդալու է կառնակ կամ խեցակ:

Կոտիկ: Պապ՝ Ս. Ներսեսի « անապակ մատուցանէր... դեղ մահու ընդ կոտիկն խառնեալ » (Փաւս. 216): Հայկազեանն